



穆宗毅皇帝實錄(四)

卷一二六至卷一六四  
同治四年

# 清實錄

第四八冊

中華書局影印

# 清實錄第四八冊目錄

穆宗毅皇帝實錄(四)

|      |         |       |
|------|---------|-------|
| 卷一二六 | 同治四年正月上 | 五〇九七七 |
| 卷一二七 | 同治四年正月中 | 五〇九九四 |
| 卷一二八 | 同治四年正月下 | 五一〇二三 |
| 卷一二九 | 同治四年二月上 | 五一〇三六 |
| 卷一三〇 | 同治四年二月中 | 五一〇四八 |
| 卷一三一 | 同治四年二月下 | 五一〇六六 |
| 卷一二二 | 同治四年三月上 | 五一〇八六 |
| 卷一三三 | 同治四年三月中 | 五一〇六六 |
| 卷一三四 | 同治四年三月下 | 五一二九  |
| 卷一三五 | 同治四年四月上 | 五一四八  |
| 卷一三六 | 同治四年四月中 | 五一六九  |
| 卷一三七 | 同治四年四月下 | 五一八三  |
| 卷一三八 | 同治四年五月上 | 五二二二  |

|      |          |      |
|------|----------|------|
| 卷一三九 | 同治四年五月中  | 五二五二 |
| 卷一四〇 | 同治四年五月下  | 五二八三 |
| 卷一四一 | 同治四年閏五月上 | 五三〇二 |
| 卷一四二 | 同治四年閏五月中 | 五三三〇 |
| 卷一四三 | 同治四年閏五月下 | 五三三八 |
| 卷一四四 | 同治四年六月上  | 五三五四 |
| 卷一四五 | 同治四年六月中  | 五三七五 |
| 卷一四六 | 同治四年六月下  | 五三九五 |
| 卷一四七 | 同治四年七月上  | 五四一  |
| 卷一四八 | 同治四年七月中  | 五四三六 |
| 卷一四九 | 同治四年七月下  | 五四五三 |
| 卷一五〇 | 同治四年八月上  | 五四七八 |
| 卷一五一 | 同治四年八月中  | 五五〇二 |
| 卷一五二 | 同治四年八月下  | 五五三二 |
| 卷一五三 | 同治四年九月上  | 五五四九 |
| 卷一五四 | 同治四年九月中  | 五五七二 |
| 卷一五五 | 同治四年九月下  | 五五八九 |

卷一五六 同治四年十月上 五二六〇

卷一五七 同治四年十月中 五二六八

卷一五八 同治四年十月下 五二四九

卷一五九 同治四年十一月上 五二七〇

卷一六〇 同治四年十一月中 五二八一

卷一六一 同治四年十一月下 五二九九

卷一六二 同治四年十二月上 五二七五

卷一六三 同治四年十二月中 五二四〇

卷一六四 同治四年十二月下 五二五八

卷一六五 同治四年十二月上 五二七〇

卷一六六 同治四年十二月中 五二八二

卷一六七 同治四年十二月下 五二九四

卷一六八 同治四年十二月上 五三〇六

卷一六九 同治四年十二月中 五三一八

卷一七〇 同治四年十二月下 五三三〇

清實錄卷四八 同治四年十二月下

卷一五五 同治四年十月上 五二六〇

卷一五六 同治四年十月中 五二六八

卷一五七 同治四年十月下 五二四九

卷一五八 同治四年十一月上 五二七〇

卷一五九 同治四年十一月中 五二八一

卷一六〇 同治四年十一月下 五二九九

卷一六一 同治四年十二月上 五二七五

卷一六二 同治四年十二月中 五二四〇

卷一六三 同治四年十二月下 五二五八

卷一六四 同治四年十二月上 五二七〇

卷一六五 同治四年十二月中 五二八二

卷一六六 同治四年十二月下 五二九四

卷一六七 同治四年十二月上 五三〇六

卷一六八 同治四年十二月中 五三一八

卷一六九 同治四年十二月下 五三三〇

卷一七〇 同治四年十二月上 五三四二

卷一七一 同治四年十二月下 五三五四

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百二十六

敬修

同治四年乙丑春正月丁酉朔

上詣

奉先殿行禮○遣官祭

太廟後殿○率王以下文武大臣詣

慈宣門慶賀

慈安皇太后

慈禧皇太后禮成御太和殿受朝作樂宣表如

儀○詣

大高殿

壽皇殿行禮○諭議政王軍機大臣等張集馨

奏攻破積年逆業大獲全勝一摺靜甯州高  
家堡久為逆回盤踞經張集馨與曹克忠會  
同進剿當將高家堡攻克賊分竄蕭河城  
青家驛另股賊匪在西路十字堡等處屯聚  
復經官軍進剿殲匪甚眾辦理尚為得手前  
諭都興阿等將曹克忠一軍應否移紮靜甯  
適中之地為陶茂林後路聲援妥籌調派曹  
克忠現欲進攻蕭河城應如何節節進逼力  
圖殲蕩之處仍著都興阿穆圖善雷正綰安  
為調度張集馨現擬帶隊進省即著趕緊前  
進與陶茂林恩麟會籌布置以固省防陶茂  
林一軍紮營甘草店一帶該提督務當嚴密  
守禦毋得稍有疏虞獲賊供稱該逆因官軍  
圍攻固原甚緊屢遣馬百齡兄弟馬彭齡赴  
雷營捏詞詐降未見聽信曹軍已到靜甯我  
等家屬皆在蕭河城等處若被攻擊必致受  
害是以調齊馬步各逆由靜甯入隆德過山  
即是瓦亭使雷營腹背受敵如不得手即由

涇平回陝孫義寶仍在固原與雷營抗拒使彼不疑等語固原逆謀甚狡該匪如赴雷正綰軍營乞降該署提督不可墮其詭計致誤戎機逆匪既有使雷營腹背受敵之說雷正綰尤當加意備禦毋為所乘靜甯各軍每日需餉二萬餘斤前存四十萬斤為該州黃松年別項支銷此時顆粒無存軍士數日不得一飽雷正綰各營軍糧亦極短絀黃松年概置不問該州於此項餉斤任意支銷實屬不

知緩急有無侵那情弊著恩麟查明奏各軍無從覓食困苦異常均有停兵待餉之虞著恩麟設法接濟毋令缺乏是為至要將此由六百里諭知都興阿穆圖善雷正綰並傳諭陶茂林恩麟張集馨知之尋恩麟奏遵查黃松年精神委頓於兵勇應支口食率多貽誤實屬庸庸不職應請革職從之又諭廣鳳奎昌奏探聞古城漢城失守現籌豫防布置一摺古城防勒喫緊經廣鳳等揀派蒙古

兵一千五百名前往助剿旋於十一月十七日探聞古城漢城失守滿城附近現有漢回及纏頭回逆約萬餘人盤踞北套橋子地方由科至古道路梗塞覽奏昌勝憤懣逆回勢甚鴟張古城漢城現已失陷滿城刻下情形若何未據保恆等奏報由科至古文報不通著廣鳳奎昌設法繞道偵探迅即知照保恆惠慶督飭在城兵勇慎密防範以待援師廣鳳等仍當將科境要隘嚴密布置相機籌辦

並著知會巴里坤哈密等城一體嚴防奔突毋得專待關內之兵以致緩不濟急坐失事機該逆聞軍餉不日到科意圖東竄攻撲科城其謀甚屬兇狡前據德勒克多爾濟奏稱山西撥解新疆餉銀兩次共十餘萬已由綏遠城轉解科布多其餘各省協餉並經戶部奏催迅解著廣鳳等於此項餉銀到境妥為迎護並著明誼麟興車林敦多布揀派兵弁沿途護解毋得稍有疏虞科屬人心驚惶經

廣鳳等安撫稍定仍著會同各旗王公妥為鎮撫毋令浮言得以動搖新疆軍事孔棘前經諭令聯捷俟黑龍江所派官兵到張家口時卽行統帶進剿著聯捷於該官兵到口時卽遵前旨迅帶起程由科布多進剿逆匪毋稍稽延將此由六百里各諭令知之○又諭前因聯捷奏請將黑龍江挑派官兵五百名帶赴新疆助剿當經諭令寶善飭此項官兵迅速取道張家口交聯捷統帶進剿茲據廣

鳳奎昌奏探聞古城漢城失守滿城附近有賊道路梗塞科城防剿情形喫緊等語此項官兵計已起程著寶善仍遵前旨派員沿途嚴催迅赴張家口以便聯捷統帶前進相機剿辦毋得稍有延誤將此由六百里諭令知之○漕運總督吳棠奏遵議籌辦河運漕米章程十條一米色紅白兼收便舨並運均以乾潔為主一米價按照市值餉項等費事竣覈實開報一耗米按漕斛每石給民船一升

倉耗二升隨正交倉一水脚每石給銀六錢一用民船徑運通州一派員分幫押運並添派大員赴通照料一同空船隻須於汛水未落之前南下一米船准帶貨物二成免其納稅一兌交仍用漕斛一在清江設立總局用款概從撙節下部議從之○以兵部尚書萬青黎兼管順天府府尹事○實授蘇廷魁河南布政使王正誼按察使○以甘肅靜甯攻克逆巢賞參將陳尚友已圖魯名號副將魏

得春等升敘有差○予甘肅平涼殉難知縣郭襄教諭趙青黎祭葬世職加等眷屬人等分別旌卹如例○戊戌

上詣綏履殿問

慈安皇太后安平安室問

慈禧皇太后安至丙寅皆如之○貸盛京鳳凰

城被淹地方旗民籽種口糧○己亥

高宗純皇帝忌辰遣官祭

裕陵

上詣

壽皇殿行禮。庚子諭議政王軍機大臣等常清明緒奏救援巴燕岱官兵中途失利一摺。巴燕岱城圍緊急。伊犁所派赴援官兵於距城三十里之底窩鋪地方接仗潰退死傷無數。皆由錫伯馬隊內向奔蹕。總管德克都又未督隊以致眾兵潰散殊可痛恨。當此軍事喫緊之際。若督隊各員均如此未敗先逃。何怪匪勢披猖。至於此極。著明緒嚴切查明該

總管失事情形。卽行按照軍法從事。毋稍寬貸。現在巴燕岱城圍未解。金項寺回氛尚熾。伊犁官兵僅二千餘名。民遣各勇均不足恃。賊眾數十倍於官兵。儘令扼我咽喉。薪米皆無來路。伊犁勢將坐困。回疆軍事敗壞至此。何堪設想。關內之兵如楊岳斌鮑超等。雖經疊次催調。本日復經寄諭嚴催。仍恐緩不濟急。穆圖善一軍本令其出關剿賊。現在甯夏軍情已形得手。都興阿慶昫內守外攻。不難

蒞事。穆圖善自當懍遵前旨迅速出關以拯伊犁之危。著該將軍卽行統帶所部取道嘉峪關先抵哈密。會同文祺布置一切。卽行取道前進。縱不能直趨伊犁。亦可先將古城烏魯木齊等處之賊痛加掃蕩。節節進剿。但能收復烏垣。亦可以張吾軍而褫賊魄。回疆軍務或有轉機。該將軍惟當迅速啟行。以副委任。毋稍宕延。鶴齡所帶兵一千五百名。本日已諭令駱秉章催令迅赴都興阿軍營。如穆

圖善出關。兵尚不敷。著都興阿卽將此軍撥歸統帶。以厚兵力。穆圖善出關後。軍行糧隨。餉需軍火一切。至為緊要。卽著責成恩麟張集馨設法源源接濟。以期士飽馬騰。該護督等務當力為其難。顧全大局。毋得稍分畛域。致誤戎機。常清前因武隆額奏參已有旨革職查辦。授明緒為伊犁將軍。係屬十月間事。何以明緒此時尚未接奉此旨。該將軍領袖各城責無旁貸。惟當就現有兵力妥為撫馭。



嚴備不虞。但能堅守數月。則關內援兵陸續進發。必可大殄逆氛。所陳兵疲餉絀。逆勢猖獗。情形朝廷早經洞鑒。勦撫機宜。惟在該將軍妥為辦理。原不豫為遙制。惟回逆狡詐多端。虺蛇成性。該將軍擬派員前往回營設法招安。以為緩兵之計。自係出於無可如何。但當穩慎。以圖萬不可為。回所給墮其奸計。致蹈滇隴覆轍。另片奏革員陳孚恩樂斌。此次伊犁被圍。該革員籌餉籌兵。不遺餘力。懇請

釋回等語。該革員等既在伊犁尚能出力。著加恩准其釋回。仍著留於伊犁幫同辦理。一切兵餉事宜。但能始終出力。並准明緒酌量保奏。候旨施恩。明緒卽行飭知該二員。令其仰體朝廷寬大之恩。力圖自新。以期晚蓋。伊犁領隊大臣布爾和德等。聯銜奏參常清。自到任以來。軍民共怨。上下離心。並坐視庫車烏垣壘陷。漠不關心。等語。常清前次被參各款。業已交明緒查辦。此次布爾和德等所陳

各情。並著明緒彙入前案。一併嚴切查明具奏。毋稍迴護。布爾和德等摺一件。著鈔給明緒閱看。將此由六百里加緊諭知。都興阿穆圖善。明緒並傳諭恩麟。張集馨知之。○又諭據明緒等奏伊犁救援已蕪岱之兵中途失利。現在賊眾兵單。恐扼該城咽喉。情形萬分喫緊。各等語。前經諭令鮑超於假期一滿。卽日率領所部各軍起程出關進剿。該提督請撥川省制兵四千名。並由川招勇數千名。諒

駱秉章已妥為籌辦。現在伊犁軍情萬分危急。著駱秉章傳知鮑超。無論假期已滿未滿。卽日整頓隊伍。率同宋國永等分起取道出關。節節進剿。以救倒懸之危。其妻雲慶一軍。俟閩省軍務稍平。仍准鮑超調回。以厚兵力。該督等仍遵照上年十二月十五日寄諭。妥速籌辦。不得稍涉遲延。以副委任。鶴齡由階州統帶赴甘之官兵一千五百名。已到何處。著駱秉章飛催赴都興阿軍營聽候調遣。毋

任觀望將此由六百里加緊諭知駱秉章並傳諭鮑超知之。又諭楊岳斌自補授陝甘總督同楚募勇業經半載有餘疊經諭令該督速募成軍統帶赴甘以維大局茲據明緒等奏伊犁救援巴燕岱之兵中途失利現在賊眾兵單情形萬分喫緊等語伊犁為統領各城重地設有疏虞情形更難設想該處盼望援兵誠屬刻不可緩該督募勇一事如已辦有頭緒即應整隊赴甘以便都興阿穆圖

善之兵早日騰出鼓行而西以收底定西陲之效儻該督仍以勇未招齊赴甘稍遲一日則援剿新疆亦遲一日關繫誠為不淺著楊岳斌懍遵疊次諭旨迅即料理起程不得再事稽延以副委任將此由六百里加緊諭令知之。又諭前因新疆軍務方殷需餉孔亟疊經諭令各該督撫轉飭各該藩司將欠解餉銀迅速籌解茲據明緒等奏伊犁軍情緊急餉項萬分奇絀請飭部迅催各該省將原

撥餉銀速行撥解等語著駱秉章懍遵前旨將四川欠解銀十六萬兩迅速派委委員趕程運解安肅道庫並著沈桂芬飭司查明前撥新疆軍餉除業經報解外迅將晉省欠解之項陸續委員轉解緩遠城張之萬將河南欠解新疆餉銀七萬兩趕緊籌撥一體解赴綏遠城並著德勒克多爾濟於山西河南餉銀解到時迅即派委弁兵沿途護解運至科布多轉解伊犁等城毋得再有稽延致誤軍

食將此由六百里各諭令知之。以上年伊犁城解圍出力賞協領穆克德柯副都統銜驍騎校斐揚武泰等藍翎餘升敘有差予陣亡佐領蘇楞額都司黃立中等祭葬世職。○予土爾扈特遇匪被戕協領烏勒喜春章京薩拉哈春祭葬世職。○緩徵直隸開東明長垣東安唐豐潤武清寶坻薊大城望都宛東鹿景東光天津青靜海南皮鹽山晉永年元城大名玉田深甯河雞澤肥鄉武強安平滄

慶雲廣平衡水吳橋三十六州縣被水被旱  
被雹地方新舊額賦暨雜課有差辛丑諭  
議政王軍機大臣等僧格林沁奏官軍偪賊  
安營疊獲大勝一摺賊踞張八橋等處經僧  
格林沁督飭恆齡郭寶昌等馬步各隊兩路  
進取賊眾奔潰斬獲不少逆眾向汝州白楊  
樹一帶竄去該親王飭常星阿郭寶昌緊蹙  
賊後並親督馬步由洛陽取道宜陽至永甯  
正東韓城鎮駐紮覘賊所向相機堵剿著卽

督飭常星阿等前截後追務將此股逆眾就  
地殄除並隨時嚴密偵探毋任遁入山險負  
隅為患張之萬卽准令張曜等會師合擊並  
嚴飭河陝汝道督帶兵勇駐防朱陽關以遏  
逆匪西竄之路此股逆匪雖止勝數千名而  
漏刃餘生因獸猶闢以刻下情形而論若遁  
入深山馬隊無從施展必須多用步隊方能  
得力前調之詹啟綸黃東忠等軍已屢次催  
令赴豫仍著僧格林沁嚴檄到營酌量調遣

山徑崎嶇該親王督軍深入未可輕進必須  
格外慎重以奏全功設使該逆徑趨西北恐  
秦晉邊界守禦不嚴仍當早為飛檄知照一  
面派兵統前過截以期有備無患先發制人  
姜玉順一軍著官文迅飭駐紮荊子關嚴扼  
西路要隘毋令闖入完善地方將此由六百  
里各諭令知之伊犛將軍明緒等奏續撥  
烏科二城蒙兵前往古城應援得旨古城續  
調蒙兵著卽飛催迅速前進並飭知該盟長

等轉飭各旗嚴遏邊界杜賊東竄○塔爾巴  
哈台參贊大臣錫霖等奏酌撥蒙古官兵赴  
援伊犛得旨著卽迅催博勒果素統帶土爾  
扈特官兵馳往應援烏魯木齊都統早經降  
旨派保恒署理錫霖著毋庸前往惟當於塔  
城各要隘督飭蒙兵嚴密防守並隨時撫輯  
彈壓毋稍疏虞○以河南塔兒灣勒賊獲勝  
開復副都統常星阿蘇倫保溫德勒克西革  
職留任處分並賞還勇號○嗣緩山東濟甯

歷城鄒平長山齊河長清東平東阿平陰惠民陽信濱海豐利津鄒陽穀荷澤鉅野濮范觀城費堂邑茌平昌邑濰金鄉齊東章邱禹城臨邑肥城青城霑化曲阜泗水滕嶧壽張曹鄆城朝城蘭山鄭城聊城魚臺四十六州縣暨東昌臨清濟甯三衛被水被旱被雹被蟲地方本年上半年上忙額賦並雜課有差○壬寅諭內閣國家綏懷遠服閭閻覃敷於外藩各國朝貢進京無不體恤備至恩禮有加凡賞

賚筵宴及一切典禮定例本極周詳第恐日久相沿各該承辦衙門或致視為具文供應草率殊非朝廷厚待遠人之意現值朝鮮琉球使臣來京朝貢著各該衙門於一切應行事宜務須懍遵定例揀派妥員詳慎辦理毋得任聽吏胥苟簡從事該堂官等仍應逐一稽察如查有辦理不能妥協之處即將承辦之員據實參處以昭慎重而示懷柔○又諭上年陝西南鄭等縣被擾盤屋等縣被災業

經降旨分別加恩豁免蠲免小民諒可不致失所惟念今春青黃不接之時民力未免拮据加恩著將陝西省被擾各州縣及收成歉薄之區由劉蓉督飭各該地方官迅即查明分別輕重妥籌接濟以紓民力該撫卽刊刻謄黃偏行曉諭務使實惠均霑毋任吏胥舞弊用副履端布澤惠洽閭閻至意○又諭前因商都牧羣總管舒濃棟魯普勒扣兵餉銀兩各款內有前任察哈爾佐領升任副都統定安亦曾收受該總管等賀喜銀兩情事當令定安明白回奏茲據奏稱前在張家口佐領任內與舒濃棟魯普等同官交好常通往來因在海口出力得有協領記名旋又調赴山東軍營舒濃棟魯普等因送給賀喜銀一百兩當已收受請交部治罪等語定安與舒濃棟魯普等同隸察哈爾旗籍同官一方並無管轄之責其所送賀喜銀兩係屬友誼往還惟未能詳查來歷遽行收受亦有不合除

所收銀兩著繳還歸公外定安著交部議處  
諭議政王軍機大臣等前因閭敬銘奏知  
縣劉時霖被參各款查明並無其事陳迥卽  
陳銅等犯亦經委員徐大容等審明該犯等  
供認聚眾圍城奪犯抗糧等情與富稼原奏  
劉時霖索錢未遂致將陳迥等捆縛屬徐大  
容等刑逼証陷情節迥異當以該御史風聞  
言事何至為罪惡昭著之犯捏詞解脫難保  
非陳迥等展轉屬託有授意該革員出奏情

事降旨派周祖培存誠會同都察院堂官將  
富稼傳訊務得確情茲據周祖培等奏稱據  
富稼供認該革員前參劉時霖各款係上年  
九月間家人劉詳向伊告說山東民人楊煥  
高暮林帶有呈詞來京欲為該縣團長陳迥  
伸冤寓居高長汰家高長汰商允素識之間  
三欲求御史代奏富稼接閱呈詞之後劉詳  
隨與閭三將楊煥高暮林帶至伊宅立有憑  
帖取銀三百兩字據該革員繕摺於十月十

五日具奏不料是日犯案送部銀兩並未送  
到銀帖燒毀贗之高長汰並代找鋪保之羅  
鳳者等並鋪保岳大何三均供曾許謝銀八  
百兩情節不符請飭拏楊煥高暮林解京訊  
辦等語案關言官婪贓枉法賄賣章奏必須  
徹底根究以成信讞據羅鳳者等供稱該犯  
楊煥在山東濟陽縣大莊居住高暮林在朱  
官屯居住早已由京回籍著閭敬銘迅飭該  
地方文武將楊煥高暮林二犯嚴密查拏派

員星速押解來京交部歸案嚴訊將此諭令  
知之○又諭曾國藩奏疊奉諭旨恭摺覆陳  
一摺所陳勒辦擒匪宜用淮勇西路軍務宜  
併力先清甘肅再及關外並餉源日匱必須  
多撤楚勇各條均於時勢軍情確有見地劉  
銘傳等軍前據李鴻章奏所用洋礮軍火最  
為笨重運送頗難當經諭令毋庸檄調赴豫  
並令李鴻章與左宗棠籌商如閩省應需該  
營前往協剿卽檄飭劉銘傳統軍赴閩聽候

左宗棠調遣此次曾國藩所奏各情均與前旨脗合現在僧格林沁督兵偪賊立營大獲勝仗軍威已振無須再俟准勇助剿所有劉銘傳所部即著咨商李鴻章恪遵前旨酌量調赴閩省以資厚集甘肅軍務未清原不能揚威塞外第新疆南路各城大半淪陷烏嚕木齊及古城之漢城先後為賊占踞北路亦形岌岌若不迅圖掃蕩恐全局淪胥必至不可收拾昨因伊犁危急諭令穆圖善迅速帶

兵出關並令鮑超即日整隊西行著懷遠前旨趕緊辦理至鮑超赴甘前因沈葆楨奏到已有旨准其將所部八千人統帶前往曾國藩所稱鮑超回蜀募勇宜用川北保甯龍安兩府之人一節保龍二府兵勇與甘肅風氣不甚相遠且皆可徑達階州自較川東之勇尤為得力著駱秉章傳知鮑超迅速馳赴川北募勇成軍剋期赴甘一面檄調宋國永等軍由江西馳赴川東管帶舊部續行入甘毋

稍遲誤其所需軍餉一切仍著駱秉章源源籌解以利師行曾國藩以餉源日匱擬請多撤楚勇自係目前第一急務即著將劉連捷朱南桂朱洪章三軍次第裁撤以節糜費至章志俊等諸降眾尤應妥籌安插善為遣散庶騰出有用之餉以供留防之勇濟西征之軍於大局實有裨益將此由六百里諭知曾國藩駱秉章並傳諭鮑超知之 又諭喬松年奏皖省兵力未厚請留英翰防守潁州一

摺昨因僧格林沁奏張八橋剿賊復勝若遁入深山必須多用步隊方能得力前調之黃秉忠等軍當經諭令該親王嚴飭到營酌量調遣茲據喬松年奏稱賊蹤竄無定向僕英翰遠出赴豫恐賊乘虛竄入皖境自係實在情形英翰著仍留潁州布置防守黃秉忠史念祖兩營均著毋庸赴豫喬松年務當督飭該臬司統率所部實力籌防如豫賊東竄即行迎頭截擊毋任闖入僧格林沁在豫剿賊

漸次得手。僮賊蹤紛竄。必需皖兵截擊。仍著喬松年酌撥兵勇前往助剿。以期厚集。以上各情。均著該撫咨明。僧格林沁遵照辦理。前因王拯奏參喬松年近於巧宦。當經諭令曾國藩隨時察看。據實具奏。茲據曾國藩奏稱。喬松年門丁常杏洲捐納官階。跡涉招搖。後令還歸本姓。名曰楊澍。改充委員。各官羞與之齒。等語。喬松年由道府擢任封圻。宜如何潔己奉公。正色率屬。以副委任。乃縱令家丁

蒙混報捐。以致人言嘖嘖。輿論沸騰。本應治該撫以應得之咎。惟念喬松年自升任皖撫以來。辦公尚屬認真。此次姑免深究。楊澍卽常杏洲。著該部查明。無論報捐何項官職。卽行斥革。並著喬松年卽行驅逐出境。不准在署逗遛。嗣後喬松年務當精白乃心。整躬取法。禁苞苴遠僉壬。將皖省善後各事宜實力經畫。庶可保全聲名。長承恩眷。僕再稍不謹飭。被人指摘。必不能復邀寬宥也。懍之慎之。

將此諭令知之。又諭前據沈葆楨奏。照錄督糧道段起條陳。安置凱撤勇丁事宜。一摺。已寄諭各路統兵大臣暨各直省督撫。按照所陳各節。妥議章程具奏。矣。茲復據喬松年奏。稱江南北軍務底定。各營遣散員弁勇丁。回籍者先後不下十餘萬計。其勇丁回籍後。尚可設法餬口。而管帶之員。并有實缺者。極少。皆係在營打仗。歷保至副參遊都守等官。遣歸後。補缺無期。投閒置散。既無向上之路。

並無謀食之方。以久經戰陣。素為行伍之才。盡令向隅。未免可惜。現在江皖等省。營制大半未復。請將此項人員。或在立功省分。或在原籍省分。准令歸標學習。如果能勝任。准同候補人員。酌補營缺。藉資教練。其有不願歸標者。亦聽其自便。等語。所奏不為無見。卽著各路統兵大臣暨各直省督撫。按照所奏。彙入段起條陳一併。明定章程具奏。喬松年原摺。均著鈔給閱看。將此諭諭令知之。○又諭



都興阿、穆圖善奏攻勒甯夏附城賊圩大勝。派員赴楚募勇各摺片。甯夏附城賊圩經都興阿等分路進攻殺傷逆匪將以千計。大挫兇鋒。勒解甚為得手。該逆經此次痛剿其膽已寒。著都興阿乘此聲威督率各軍將城外各圩迅速掃蕩。進拔堅城肅清邊圉。前據張集馨奏曹克忠一軍攻破高家堡逆巢擬進攻蕭河城是靜甯一帶驛路漸可疏通。惟固原踞逆尚在相持。雷正綰近日勒辦情形若何著卽妥籌攻取將首逆孫義寶等設法擒斬毋令免脫。其曹克忠一軍應如何進剿之處仍著都興阿、雷正綰妥為調度。甘省兵力尚單。都興阿等擬派副將陳東霖等赴湖北募勇八營以資攻剿著照所議辦理所需槍礮等項卽著咨照官文按照營制給發。前經寄諭富明阿飭令詹啟綸選勇三千名赴僧格林沁軍營調遣。昨據僧格林沁奏豫省各軍已數調撥請將詹啟綸一軍暫緩徵調。現

在甘省既嫌兵單如需詹啟綸之兵赴甘助剿卽著都興阿咨商僧格林沁妥籌調撥。杜嘎爾現在隨營攻剿未能兼顧甯夏副都統任內之事卽照都興阿所請仍令常陞戴罪暫行署理責令整頓操防幫同慶時將城守事宜認真籌辦儘再不知奮勉卽行從嚴叅辦將此由六百里各諭令知之。○又諭都興阿奏請撤晉省勒捐總局酌留贖罪一條變通辦理一摺山西一省頻年供支各款為數甚鉅誠不可再事剝削致令餉源枯竭。卽著照所擬將山西辦理甘餉捐局卽行裁撤原派之甯夏道三壽著沈桂芬飭令該員仍同都興阿軍營聽候差遣其贖罪一條著仿照同治三年十一月二十八日所奉諭旨允准。雷正綰等奏議覈減贖罪章程歸入都興阿軍營報捐其有就近在晉省呈請捐免赴戍者著沈桂芬代為奏請奉旨後將此項捐款由山西藩庫兌收分批解赴都興阿軍營作



為籌備糧米軍裝外款。至山西應解都興阿軍營協餉。暨直晉各軍月餉。並協甘各餉。均著沈桂芬按月如數撥解。不准過期耽延。稍涉貽誤。將此由五百里各諭令知之。○以籌濟甘肅軍餉。予山西巡撫沈桂芬按察使鍾秀優敘。○追予安徽殉難道員何桂珍諡文貞。江西陣亡知州劉騰鴻諡武烈。遊擊畢金科諡剛毅。○予陝西咸甯等處陣亡防禦薩英阿等祭葬世職加等。○予甘肅甯夏陣亡

防禦雅隆阿等祭葬世職加等。○豁免江蘇金壇溧陽丹陽宜興荆溪五縣被擾地方本年暨來年額賦。○蠲免安徽廣德建平甯國績溪旌德太平宣城南陵涇青陽石埭鳳陽懷遠壽鳳臺顧上霍邱滁全椒來安盱眙。天長東流歙黟貴池建德懷甯桐城潛山太湖宿松望江休甯祁門銅陵堂塗蕪湖繁昌。合肥。無為舒城廬江巢定遠宿五河和含山六安英山霍山婺源阜陽太和泗靈壁亳蒙城。

五十九州縣暨安慶新安宣州建陽廬州鳳陽滁州泗州長淮九衛被擾地方新舊額賦並雜課有差。○癸卯

世祖章皇帝忌辰遣官祭

孝陵。○諭內閣李鴻章奏請將已革道員暫留差委等語。已革江蘇候補道童珽係因案參革情節較重之員。著李鴻章飭令該革員將經手報銷事件速為清釐。即行飭令回籍。不准逗遛。○又諭張凱嵩奏官軍進剿思恩匪

徒生擒首逆一摺。廣西思恩府屬匪首宋扶桿盤踞賓州黎村地方。負隅滋擾。經張凱嵩派令道員易元泰領軍勦辦。上年十一月十一日。宋逆親率死黨決戰。官軍三面圍擊。斃匪百餘名。十六日。易元泰飭副將潘忠實等於濠外設伏。酌出小隊進攻。該逆窺我兵單突出。千人迎敵。官軍佯退。宋逆輕騎而出。越濠窮追。潘忠實伏兵齊起。各勇亦回頭迎勦。刀砍矛搥。匪眾紛紛倒地。宋逆率其死黨數